

КАНОН БЕСПЛОТНЫМ СИЛАМ

(читается в понедельник)

Тропарь, гл. 4-й

Небесных воинств Архистратізи, молим вас присно мы недостойнии, да вашими молитвами оградите нас кровом крил невестественных ваша славы, сохраняюще нас припадающих прилежно и вопиющих: от бед избавите нас, яко чиновачальницы вышних сил.

Глас 8-й

Песнь 1

Ирмос: Песнь возслем, людие, чудному Богу нашему, свободившему Израиля от рабобы, песнь победную поюще и вопиюще: поим Тебе, Единому Владыце.

Припев: Святїи Архангели и Ангели, молите Бога о нас.

Вси воспойм, людие, вся направляющую невестественных лики вышняго чиновачалия, Троицу Несозданную, поюще: свят, свят, свят еси, Боже Вседержителю.

Святїи Архангели и Ангели, молите Бога о нас.

Положил еси тварем начаток существо безплотное, Творче Ангелов, Пречистый Твой Престол окружающа, звати Ти: свят, свят, свят еси, Боже Вседержителю.

Святїи Архангели и Ангели, молите Бога о нас.

Радуйся, Гаврииле, Божия воплощения возвестителю, Михайле же, чинов невестественных предстателю, непрестанно зовуще: свят, свят, свят еси, Боже Вседержителю.

Припев: Пресвятая Богородице, спаси нас.

Трепещу тайнства, Христе, Твоего схождения, яко иже естеством Бог, приял еси от Девы родитися яко человек, да спасеши мир от рабобы сопротивнаго.

Песнь 3

Ирмос: Страх Твой, Господи, всади в сердца раб Твоих, и буди нам утверждение, Тя во истине призывающим.

Святїи Архангели и Ангели, молите Бога о нас.

Крепостию уставил еси, безсмертне, сильных, совершающих Пресвятое Твое хотение, Тебе в вышних всегда предстоящих.

Святїи Архангели и Ангели, молите Бога о нас.

Ходатаи Твоего вочеловечения и честнаго востания, ангельския чиновачальники, Христе, за ны прими молящихся.

Святїи Архангели и Ангели, молите Бога о нас.

Ангелы приставил еси хранители человеком, яко благоутробен, служители же показал еси, Христе, спасения Твоим угодником.

Пресвятая Богородице, спаси нас.

Неизречено рождши, Богоневесто, Спаса и Господа, избави нас от тли, Тя

войстинну призывающих.

Седален, глас 8-й

Небесных начальниче и первостоятелю высокопрестольных и страшных Божественных славы, Михайле Архистратиге, Ангелом чиноначальниче, со всеми безплотными, Емуже служиши Владыце, о всем мире непрестанно молися и испроси оставление грехов, и милость и благодать обрести в день судный.

Слава: В пучину люте впад уныния, от множества лукавых и беззаконных ми дел, приидох в недоумение, и отчаянием ныне одержуся: Владычице Богородице, Ты мя спаси, Ты ми помози: грешных бо Ты еси очищение и чистота спасительная.

И ныне: От чистых кровей Твоих воплощася, и паче ума из Тебе, Чистая, рождшагося, на древе висяща посреде злодею зрящи, утробою болезновала еси и матерски плачущи вопияла еси: увы мне, Чадо Моё, что есть Божественное и неизреченное смотрение Твоё, имже оживотворил еси создание Твоё; пою Твоё милосердие.

Песнь 4

Ирмос: Всел еси на кони апостолы Твоя, Господи, и приял еси рукама Твоима узды их, и спасение бысть еждение Твоё верно поющим: слава силе Твоёй, Господи.

Святии Архангели и Ангели, молите Бога о нас.

Всел еси на Ангелы, якоже на кони, Человеколюбче, и приял рукою Твоею вождя их, и спасение бысть еждение Твоё верно Ти вопиющим: слава силе Твоёй, Господи.

Святии Архангели и Ангели, молите Бога о нас.

Покрывает Ангелы добродетель Твоя, Безсмертне, и земныя исполняет концы Твоего славнаго, Безначальне, Божественнаго хваления: с нимиже Тебе вопием: слава силе Твоёй, Господи.

Святии Архангели и Ангели, молите Бога о нас.

Изшел еси, Щедре, на спасение людем Твоим, Христэ: созывавши же други, силы Твоя, и веселие бысть во спасении Твоём безвещным, вопиющим: слава силе Твоёй, Господи.

Пресвятая Богородице, спаси нас.

Дева и Мати паче естества явилася еси, Пречистая, яко Бога, Тогоже и Человека Христа родила еси, от Ангел хвалимаго: людеи Твоих печаль переложил на радость моливами Твоими.

Песнь 5

Ирмос: От ноши неведения Боговедением просветивый концы, просвети мя утром человеколюбия Твоего, Господи.

Святии Архангели и Ангели, молите Бога о нас.

Невозвратным желанием всегда к высоте, Христэ, носими, крайнее всех желание, ангельския силы непрестанно славят.

Святии Архангели и Ангели, молите Бога о нас.

Ты разумныя по существу, нетленные благодатию Твоею, Христэ, поставил еси певцы Твоему величеству, Ангелы Твоя по образу соделав, Непостижимо.

Святии Архангели и Ангели, молите Бога о нас.

Ты непреклонны на горшая, к Тебѣ приближением, Христѣ, сохранил еси Твоя слуги: источник бо благодати Ты еси, благотворя достойно Ти служащим.

Пресвятая Богородице, спаси нас.

Умерщвленную мою душу страстьми мерзкими, Всенепорочная, оживи, животу Хранителя рождши, и к стезе вечней и блаженному житию устреми.

Песнь 6

Ирмос: Иону в ките, Господи, единого вселил еси, мене же связанного мрежами вражими, яко от тли онаго, спаси.

Святии Архангели и Ангели, молитѣ Бога о нас.

Боголепно от несущества, Господи, словом привел еси существа Небесных, Безсмертне, воинств, световидны сих соделовая.

Святии Архангели и Ангели, молитѣ Бога о нас.

Служителие честнии Божия хваления бысте, безплотнии, граждане Небеснии, и Божественная воистинну скиния, Творцу достойно служаще.

Пресвятая Богородице, спаси нас.

Всепетая, Света породши, всем свет дающего, тму моих прегрешений, Чистая, отжени Матерними Твоими к Немю молитвами.

Кондак, глас 2й

Архистратизи Божии, служителие Божественных славы, Ангелов начальницы и человеков наставницы, полезное нам просите и велию милость, яко безплотных Архистратизи.

Икос

Рекл еси, Человеколюбче, в писаниих Твоих, множеству радоватися Ангел о человеце едином кающемся, Безсмертне: тем и мы в беззаконных суще, безгрешне Единое Сердцеведче, Тя молити всегда дерзаем яко благоутробнаго, ущедрити нас и послати недостойным умиление, Владыко, и подати нам прощение грехов: о всех бо нас молятся Тебе, яко безплотных Архистратизи.

Песнь 7

Ирмос: отроцы еврейстии в пещи попраша пламень дерзновенно и на росу огонь преложивша, вопиюще: благословен еси, Господи Боже, во веки.

Святии Архангели и Ангели, молитѣ Бога о нас.

Светы явил еси, Щедре, Ангел Твоих невестественное существо, неизреченнаго света исполняемы, непрестанно зовущия: благословен еси, Господи Боже, во веки.

Святии Архангели и Ангели, молитѣ Бога о нас.

Емуже предстоят непрестанно служаща тмы ангельския, лица же зрети не терпят Божества: благословен еси, зовуща, Боже, во веки.

Святии Архангели и Ангели, молитѣ Бога о нас.

Словом Твоим ипостасным, Господи, ангельское естество соделал еси, освятив же Божественным Духом, Троицу богословити научил еси, Боже, во веки.

Пресвятая Троице, Боже наш, слава Тебе.

Три убо зряще сущия Ипостаси, неописанное славим Существо, Отца и Слова со Духом, вопиюще: благословен еси, Господи Боже отец наших.

Песнь 8

Ирмос: На горé святѣй прослáвльшася и в купинѣ огнѣм Приснодѣвы Моисѣови тáйну явльшего, Гóспода пойте и превозносите во вся вѣки.

Святѣи Архáнгели и Ангели, молите Бóга о нас.

Ангельскому поревну́ем жити́ю и рáзум вперѣм к высотѣ, и с нѣми невещественно воспое́м Гóспода и превозно́сим во вѣки.

Святѣи Архáнгели и Ангели, молите Бóга о нас.

Ликовственницы́ ли́ка Небѣснаго, иже Престо́л обстоя́ще сла́вы, о Бóзе всегда́ обраща́еми, Ангели пою́т и славослóвят во вся вѣки.

Святѣи Архáнгели и Ангели, молите Бóга о нас.

Невещественна́ огня́ творя́щей пла́мы, на высотѣ́ непреста́нно служа́щих, и Ангелы́ дýхи явля́ющей, Трои́це покланя́емся и славослóвим во вся вѣки.

Пресвятáя Богороди́це, спаси́ нас.

Иже во утробу́ всельшася́ Дѣвы, и от Сея́ стран́но и вы́ше слóва, дрѣвняго Ада́ма назда́вша, Гóспода по́ем и славослóвим во вѣки.

Песнь 9

Ирмос: Уста́вы прешла́ еси́ естества́, Содѣтеля́ зачѣнши и Гóспода, и дверь спасѣ́ния мѣрови́ была́ еси́. Тем Тя, Богороди́це, непреста́нно велича́ем.

Святѣи Архáнгели и Ангели, молите Бóга о нас.

Тя, неизречѣ́нно совокупѣ́вшаго Небѣ́сным, Христѣ́, земна́я, и еди́ну Цѣ́рковь соверши́вша́ Ангелом и челове́ком, непреста́нно велича́ем.

Святѣи Архáнгели и Ангели, молите Бóга о нас.

Ангели́ и Архáнгели, Престо́ли, Вла́сти же и Господств́ия, Нача́ла и Сѣ́лы, и Херувѣ́ми и Серафѣ́ми, с Богороди́цею о мѣ́ре молите́ся.

Пресвятáя Трои́це, Бóже наш, сла́ва Тебѣ́.

Тя, Трои́це, сла́вим, от небы́тѣя́ вся сотвори́вшую, и чѣ́ны а́нгельския украси́вшую, и Божѣ́ственными заря́ми просвети́вшую концы́.

Пресвятáя Богороди́це, спаси́ нас.

Ра́дуйся, святáя Богоневѣ́сто, ра́дуйся, Свет мѣ́рови рóждши вѣ́рным, ра́дуйся, стено́ и покровѣ́ всех нас. Бóга, я́ко благодáтеля, за ны непреста́нно моли́.